

r. 1780.

Korycki ks. Michał

Seruissimo Stanisław Augusto ... pro auro
numis ma Eucharistion.

<http://rcin.org.pl>

XV

S E R E N I S S I M O

STANISLAO AUGUSTO
POLONIARUM
R E G I,

LITHVANIE ET ANNEXARUM PROVINCiarum

M A G N O D U C I,

LITERATORUM

FAUTORI MUNIFICENTISSIMO,

LITERARUM

PROMOTORI MAXIMO,

a fidelissimo Suæq; Majestati devotissimo subdito
Michaele Korycky, olim Provinciali Masoviae S. J.
nunc Rectore Scholarum Minscenium

PRO AUREO NUMISMATE

EUCHARISTICON.



ANNO DOMINI 1780.



XVIII. 2. 528.

EUCHARISTICON

SI mibi tot; vires, AUGUSTE, Camæna dediset,
Ut Tibi regifico pariles pro munere grates
Solvore sim potis: hic impendere, quidquid inesset
Roboris ingenuo, mentisq; litare vigorem,
Noctes atq; dies mibi pectore cura foderet.
At quoniam multis confecta laboribus ætas
Ingenii florem vario contrivit in usu,
Tardaq; triste gelu senio spargente per ossa
Vividior mibi sanguis hebet, sensusq; stupescunt,
Vis etiam morbi solidum dominata per annum
Reliquias Phæbi Atonios restinxerat ignes:
REX, poterone tuis benefactis digna profari?

Attamen audiendum: tali cum Principe res est,
Qui mage, quam donum, pensat satagentis amorem.
Sic etiam Superis, si magno corde ferantur,
Munera parva placent. Divum non semper ad aras
Cornibus auratis procumbit victimæ taurus:
Sæpe caprâ mattataâ, sœpe litatur ♂ agnâ.

*Quin etiam, si quis paucas demittat acerrā
Particulas thuris, tenuesq; incendat odores,
Aut modico asperget supplex altaria flore:
Exauditus abit donis super astra reœptis.*

*Sic agis, ô PRINCEPS, magnorum more Deorum
Magna aliis donas, nec reddi magna requiris;
Idq; facis non vanæ instinctus laudis amore,
Sed Patriæ ut profis: quæ Regum maxima laus est.*

*Tempus erat quondam Lechici sub cardine cæli,
Quando Castalides tetricæ sine voce sedebant,
Mirabant lauri, raro potore relicti
Aonii fontes complebant murmure ripas,
Et neglecta suas late dabat unda querelas:
Cursibus abstinuit pigra statione quietus
Pegasus, & volucres à se dimoverat alas;
At postquam Superum nutu gentisq; favore,
R^EX A^HUGUSTE, Tibi rerum delata potestas:
Parnassus vegetas nova germina prodere lauros,
Castalium ad fontem numeroſa accurrere turba,
Pegasus alato ferri super æthera nisu,
Cœperuntq; tuis sceptris regnare Camænæ.*

Et

Et quidni capiat Parnassia sylva vigorem,
Quam, REX, ipse rigas Pactoli divite lympha?
Cur modo non sapiat permultis Castalis unda,
Quam collata facis, PRINCEPS, per præmia dulc.
Aut cur non edat rapidos super aére saltus Cœm?
Bellerophontis equus, cui Tu calcaria subdis
Aurea? cur Musæ nolint hic figere sedem,
Quas recreas vultu & larga mercede coronas
REX & Apollo simul lauroq; auroq; decorus?

Sunt, qui Bellonæ in lauris festisq; triumphis
Immortale suum nomenq; decusq; reponunt,
Ac si per clades & strata cadavera campis
Eximiam ad laudem grassari illustrius esset,
Nobiliorq; foret laurus nutrita cruore..
Pace tua, Gradive furens, quod sentio, dicam:
Horresco cædes, truculentis pulchrior absq;
Funeribus laurus, tetricis non mixta cupressis:
Quam quæ regnanti multorum morte suorum
Constitit. Hæc etenim cives regno eripit: illa
Conservat cives & regnum civibus ornat.
Tales Tu lauros conniteris, optime PRINCEPS,

In

*In patria plantare tua viridaria Musis:
Quæq; iuvant plantas alias, hæc omnia præstas.
Ut viror arboribus decus addat: Phœbus & imber,
Hæ geminæ pariter debent succurrere causæ:
Phœbus, ut irradiet plantas soveatq; calore:
Imber, ut irriguus plantis alimenta ministret.*

*REX, agis hæc eadem: Musarum, ut laurea sylva
Augmentum sumat, Lechicisq; virescat in arvis,
Auriferum spargis nimbum, vultusq; sereni
Lumine respectas, & pulchræ laudis honore
Igniculos subdis, recreandis artibus aptos.
Quæ res, quam valeant, quid laus, quid præmia possint,
Tros Anchisiades Siculas delatus ad oras
Testis erit. Ludos ista facturus arena
Alipedem phaleris ostroq; auroq; superbis
Insignem statuit: pharetramq; ex ordine gemmis
Belle dispositis rutilam, galeamq; comantem
Frontibus erectam Danaïs in luce locavit,
Has ubi mercedes vidit Troiana iuventus,
Nisus & Euryalus, virides annisq; sodales,
Incaluere animis, torpor piger ossa reliquit:
Utq; dedit signum cornu raucum ore sonoro,*

Cora

Corripiuerē viam celeres, & cursibus Euros
Aligeros æquant, volitantq; per æquora campi
Incensi pulchræ flagrante cupidine laudis,
Ac doni expositi. Fervent certamina ludo,
Pulverulenta pedum pulsu volat excita nubes,
Et subita rutilum fuseat caligine solem.
Tantum laudis amor valuit sperataq; merces!
Tu quoq; REX, animos Polonos Gentis iisdem
Inflamas facibūs, ne tardo lentula passu
Torpeat, ast alacris Musarum currat arena.
Non mihi dirini facunda Camæna Maronis
Occinat Augustum, qui totum fascibus orbem
Terruit, & placido spectavit lumine Musas:
Nec, Mecænatem Parnaso nomen amicum,
Præsidiumq; suum tollat sub sidera Flaccus:
Scilicet hi geminos tantum coluere Poëtas
Muneribus sparsis: Tu, quisquis Pallade dignum
Ingeniō procudat opus, tua dona profundis.
In tua si fluerent, PRINCEPS, æraria multo
Auro fæti amnes, Hermus, Pactolus, Hydaspes,
Atq; Tagus, fulvas veherentq; in præmia gazas,
Non Tibi sufficerent. Tanto Te vincit amore

Palla-

Palladiæ virtutis bonos, ut viscerè siquas
Divitias Tellus, vel si quæ Pontus abyssa
Cæruleâ servet cognata monilia conchis,
Illa minus reputes, quam doctæ dona. Minervæ
Pulchras mentis opes, quarum ditissimus Ipse
Illis percaram Patriam ditare peroptas.
Hæc primas inter curas Te cura fatigat,
Ut Regnum, REX docte, tuæ sub tegmine lauri
Nobilitate virens Musarum floreat arte.

Jamq; tuis curis Musisq; faventibus artes
Ingenuæ Lechico posuerunt climate sedem.
Iam narrat rerum seïrem per tempora texens
Historia, antiquis fuerant quæ gesta sub annis:
Qui Reges fortesq; duces, aut sceptræ tenebant,
Aut clavas? quæ toto arserunt prælia mundo?
Quæ varie excultas vario sub sidere Gentes
Fræna coercebant legum? quæ fædera pacis
Regnorumq; vices? qui armorum Martius usus
Bellandiq; modus? qui relligione sacrati
Ritus? qui mores populis? iam circinus orbem
Metitur Lechicus, tabulasq; in lumine ponit,

Que-

Quēis vastas mundi designat quattuor oras,
Europam utq; Asiam, & quæ Tellus sustinet Afros.
Ac prius ignotam, post plurima saecula retectaam
Americam prima contactam nave Columbi, &
Quid quācunq; plagā rarum dignumq; notatu:
Qui montes dirimant, quæ fulcent flumina terras,
Et quibus in terris argento auroq; fodinae
Scintillent, sub aquis gemmas quæ cœrula condant,
Quæ maria infames scopulos tristesque charoides,
Et brevia, & syrtes, tortosq; voragine fluctus
Navibus exitium certum fatalibus alveis
Contineant, vitreumq; parent sub fonte sepulchrum:
Quive situs, vel opes, portusve, urbesve, vel arces
Sint quavis regione: tenet iam Lechica pubes.
Iam vigil Astronomus totō spatiatur Olympo
Et Solis Lunaeque vias lustrator oberrans,
Sidereosq; sequens cursus, stabilesq; choreas
Instabilis cœli, per vitra fidelia discit,
Quæ labes insunt astris, quæ unicuiq; figura,
Quam motus celer est, & quæ distantia terris,
Quamq; frequens quædam custodiat astra satelles,
Et quēis Lechiadūm sint climata subdita stellis.

*Discit, & Externis, quæ sunt ignota, revelat,
Atq; per hæc agitata viris commercia doctis
Latius extendit Polona scientia fines,
Non contenta suæ regionis limite claudi.
Iam sectatores numerat Geometria plures,
Qui tractandæ artis, mensurarumq; periti
Hæquora non solum planti latissima fundi,
Ast etiam cœno in seßas adituq; paludes
Difficiles, montesq; altos & inhospita tēsquæ
Ulnarum numero valeant comprehendere certo.
Præterea fabricare ædes, educere turres,
Condere magnificis augusta palatia tectis,
Moliriq; arces & firmo includere vallō,
Undarumq; vagō thyaso circumdare molem,
Ac opus in quodvis non segnem intendere curam, ut
Sit fabricæ decor utilis, utilitasq; decora,
Nil sunt, qui scitè tradant præcepta, Magistri.
Mitto artes reliquas civilibus usibus aptas,
Quæ secum attulerant Polonæ commoda Genti.
Hæc tua laus, PRINCEPS, nullo delebilis ævo,
Quam Paro solers donabit marmore Fragmon,
Atq; Corinthiacò Phidias animabit in ære.*

O Lechiæ Regnum felix sapiente Monarcha!
A Capite in corpus sapientia namq; redundat.
Hoc, Superi, servate caput violabile nullis
Fortunæ telis! Audite, quid Astra reponant:
Præsidium dabit ipsa sibi sapientia, tristes
Avertet casus: non tangent fulmina laurum.
Sunt Gentis vota hæc, subscribunt Numina votis.

EPIGRAMMA

BArbaricus scythiæ Mavors, cui Luna cruento
A nece Christicolum lumine sœva rubet,
Iam multis Helicona tenens dominator ab annis
Sanguine Castalias contemeravit aquas.
Fecit, ut Flonius lucus pietate sacratus
Ausu sacrilego cœdua sylva foret;
Et qui Phœbea decerpti ex arbore rami
Gaudebant doctas implicuisse comas,
Post hac Threicio truculento cœde latroni
Stultitia crudæ præmia frontis erant.
Plurima pars nemoris quondam dilecta Camænus
Cum fumo ventis cessit adusta foco.

Nullus

Nullus honor citharæ fuerat, clangoribus æris
Odrysii late perstrepere loca.
Hinc Musæ tranquilla cohors excedere terrâ
Avnia, & sedem querere adacta novam.
Tu REX, quam pepulit Bislon Helicone catervam,
In tua Regna vocas consociasq; throno.
Ad Te dum veniunt Græcæ de Phocide Musæ,
Græcum cum Musis Imperium veniat.



F

XVII-2-528